




Strim segalanya

Dari RM35 sebulan, anda boleh strim sepasah hati dengan Pelan Unlimited Yoodo!
Yoodo[Ketahui Lagi >](#)

Sambutan Tahun Baharu batal, ganti solat hajat dan doa selamat – PM

By Azizi Safar - 31 December 2021



Masjid Putra, Putrajaya. Foto: FIKRI YAZID 12 APRIL 2021.

KUALA LUMPUR – Sambutan Tahun Baharu 2022 dibatalkan dan akan digantikan dengan solat hajat serta doa selamat sebagai tanda menghormati dan bersympati dengan mangsa banjir yang melanda beberapa negeri di Malaysia.

Perdana Menteri, Datuk Seri Ismail Sabri Yaakob berkata, beliau telah meminta Menteri di Jabatan Perdana Menteri (Hal Ehwal Agama) Idris Ahmad, Jabatan Kemajuan Islam Malaysia dan Yayasan Dakwah Islamiah Malaysia supaya menganjurkan solat hajat dan Malaysia Berzikir Ambang 2022, hari di Masjid Putra, Putrajaya.

"Dengan itu, saya mengajak Keluarga Malaysia untuk solat Maghrib berjemaah, solat hajat dan doa selamat di Masjid Putra, Putrajaya pada malam esok (hari ini).

"Bagi mereka yang tidak berpeluang hadir, boleh mengikuti siaran secara langsung di Radio Televisyen Malaysia (RTM) dan TV Al-Hijrah," katanya dalam hantaran di Facebook hari ini.

Hantaran itu turut disertai dengan poster majlis berkenaan yang akan bermula pada 7 malam.

Perdana Menteri turut menyarankan masjid di seluruh negara terutamanya masjid negeri agar menganjurkan majlis sama.

Keluarga Malaysia yang bukan beragama Islam boleh melakukan sembahyang mengikut kepercayaan dan agama masing-masing, katanya.

Beliau berharap segala usaha yang dilakukan akan mendapat keberkatan dan Malaysia akan menjadi lebih baik daripada tahun-tahun sebelum ini. – Bernama